

2011ko bigarren hiruhilekoan % 0,5 gehitu dira jaiotzak

Jaiotzak Bizkaian baino ez dira areagotu

Eustaten datuen arabera, 2011ko bigarren hiruhilekoan 5.290 ume jaio dira Euskal AEn, aurreko urteko hiruhileko berean baino % 0,5 gehiago. Bizkaiak eragin du gorakada hori: jaiotzen kopurua 2.716 izan da bertan, % 5,1 gehiago. Araban 838 haur jaio dira, % 4,3ko jaitzierarekin. Gipuzkoan 1.736 haur jaio dira, 2010eko bigarren hiruhilekoan baino % 3,6 gutxiago.

Jaiotako ume guztien % 32,6 ezkontzatik kanpo jaio dira, 2010eko bigarren hiruhilekoko kopuruaren oso antzekoa (% 32,5). Gipuzkoa (% 30,1) izan da Euskal. AEko batez bestekoaren azpitik geratu den lurralde bakarra. Araban eta Bizkaian portzentajeak altuagoak dira: % 35,1 eta % 33,5, hurrenez hurren.

Jaiotzen hurrenkera kontuan hartuta, 2011ko bigarren hiruhilekoan jaiotzen erdiak baino gehiago (2.829 haur) lehenengo seme-alabak izan dira; 2.025 haur (% 38,3) bigarren seme-alabak izan dira, eta jaiotako haurren % 8,2 hirugarrena edo hortik gorako seme-alabak. Bizkaian (% 44,1) bakarrik suertatu da bigarrenaren edo hortik gorako seme-alaben batez bestekoa Euskal AEkoa (% 46,5) baino baxuagoa izatea. Gipuzkoak batez besteko hori gainditzen du (% 48,7) eta daturik altuena Arabakoa da (% 49,6).

Jaiotzen % 21ean amek 30 urte baino gutxiago dute

Jaiotzak amaren adinaren arabera banatzean ikus daiteke 30-34 urtekoak nabarmenki nagusi direla, jaiotzen % 42,2 adin-tarte horretan gertatu dira eta. Gero 35-39 urteko amen taldean izan da jaiotza gehien (% 31,5); 25-29 urteko amak % 15,3 izan dira. Muturreko adinak dituzten taldeetan, 25 urtez behera amatzen direnak % 5,5 dira, eta 40 urtez gorakoen taldekoak % 5,4.

Ama ezkongabeen adina seme-alabak izan dituzten emakume guztiena baino txikiagoa izan da: ezkondu gabe dauden amen % 12k 25 urte baino gutxiago ditu, eta % 19k 25 - 29 urte.

Amen %16ak atzerriko nazionalitatea du


2011ko udaberriko hilabeteetan Euskal AEn izandako jaiotzetatik % 16,1ean amek atzerriko nazionalitatea izan dute. Batez besteko hori nabarmen areagotzen da Araban, bertan datua %22,8ra iristen da eta. Bizkaian, aldiz, datua %15,4 izan da, eta Gipuzkoan %13,9.

1. taula: Euskal AEn bizi den ama batengandik bizirik jaioak. Alderaketa taula.

	2011ko 2. hiruhil.		Aurreko hiruhilekoa (2011ko 1. hiruhil.)		Aurreko urteko hiruh. bera (2010eko 2. hiruhil.)	
	Kop.	%	Kop.	%	Kop.	%
Euskal AE	5.290	100,0	5.054	100,0	5.262	100,0
Araba / Álava	838	15,8	792	15,7	876	16,6
Bizkaia	2.716	51,3	2.557	50,6	2.585	49,1
Gipuzkoa	1.736	32,8	1.705	33,7	1.801	34,2
Amaren adinaren arabera	5.290	100,0	5.054	100,0	5.262	100,0
≤ 24 urte	293	5,5	301	6,0	328	6,2
25 - 29 urte	810	15,3	695	13,8	833	15,8
30 - 34 urte	2.233	42,2	2.106	41,7	2.219	42,2
35 - 39 urte	1.668	31,5	1.653	32,7	1.609	30,6
≥ 40 urte	286	5,4	299	5,9	273	5,2
Amaren egoera zibilaren arabera	5.290	100,0	5.054	100,0	5.262	100,0
Ezkondua	3.563	67,4	3.360	66,5	3.554	67,5
Ezkongabea	1.727	32,6	1.694	33,5	1.708	32,5
Jaiotza-hurrenkera	5.290	100,0	5.054	100,0	5.262	100,0
Lehenengoa	2.829	53,5	2.703	53,5	2.881	54,8
Bigarrena	2.025	38,3	1.930	38,2	1.951	37,1
Hirugarrena edo gehiago	436	8,2	421	8,3	430	8,2

Iturria: EUSTAT. Euskal AEko jaiotzen estatistika

1. grafikoa: jaiotzen hileko mugimendua (100 oinarri=batez bestekoa)



Iturria: EUSTAT. Euskal AEko jaiotzen estatistika

Argibide gehiago:

[Euskal Estatistika Erakundea / Instituto Vasco de Estadística](#)

Donostia-San Sebastián, 1. 01010 Vitoria-Gasteiz

Tel.: +34-945-01 75 00 Faxa: +34-945-01 75 01 Helbide elektronikoa: eustat@eustat.es

Harremanetarako pertsona: Martín González Hernández

Tel.: +34-945-01 75 49 Faxa: +34-945-01 75 01

Euskal AEko JAIOTZEN ESTATISTIKARI buruzko prentsa-ohar gehiago

Euskal AEko JAIOTZEN ESTATISTIKARI buruzko datu-bankua